

柳待制文集

三

柳待制文集卷之三

古詩

七言

送馬伯庸御史出使河隴

河隴隴坻天西壁御史嚴行八十一風驚大鹵幕初
乾雪重穹廬寒未釋入關先見父老喜出節始通氓
隸逆鯨鯢既戮海為清蜂蠆雖微尾含螫急宣
聖德慰荒遐盡洗民瘼轉疲劇當今

至尊御疆宇坐朝法官受圖籍暉暉陽曜燭天垠殷
殷春雷行地脉周公方宏治外規汲黯豈負居中責
固謂真儒識邊瓊徑煩拂士迂朝蹟可能高戴觸邪
冠不使橫飛征蜀檄君行萬里從此始人生百年俱
有役副藏待子馬遷書重贈慙余繞朝策歸與空腹
貯崑崙促此南風談禹畫

六月十五日大雨雹行 是日月蝕

日月相闕鷄中火晡時欲息雲埋空雨脚初來雜鳴
電雷驅電挾聲颯颯排簷倒檻揮霍入犀兵快馬難
為雄中休頗意絕崩迸轉橫更覺加銛鋒亂拋荆玉
拒飛鵲恣擲桃核隨飄風坐移向壁防碎首急卷巾
席何凶凶上天號令豈輕出摧殘長養皆元功陰凝
陽爍鬼神著氣有至反誠則同想茲試手鼓萬物特
欲振槁昭群蒙齋心變貌謹天戒嗚呼生意無終窮

送王元敘赴潁州同知元敘以世澤入官始
仕登州而其先人嘗為廉訪使者瀕東有聲



至元間故與余識今別二十八年矣

澗河東開繡衣府正士持刑吁可數王公風裁獨近
古面目冰寒嚴刺舉我初冠首群遊序隅坐時聯諸
老語當堦蘭玉秀嫵嫵間亦從人詫懷祖二十八年
如過雨相見都門鬢生縷緹車再駕腰縣組猶困銓
曹覈班簿學維有宗政有譜限以門資豈其敘密法
深文已如許貌取于何知子羽是州雖小隣陳汝適
彼其郊云樂土騰騰耒耜偏宜稔村村雞犬無行虎
西湖山色誰爭所攬結何妨入樽俎登潁東西從外
補要與老坡同一武攻詩琢詞毋太苦忠信宜民民
自與使華持節紛旁午大忌孤高矜譽處道迎督郵
首頻俯飾具先須修簋簠固有深藏稱善賈不則蛾

柳待制文集三

二

眉成妬女青雲易致無幽阻收拾聲華繼諸父天寒
遠別衣當褚祝規有言君聽取我輩交情非詡詡補陰

今初官與武階元叙再轉乞
換文資有司以為不可乃已

送陳景仁都事使往雲南調遣

往時文子初使滇吾詩疊疊當離絃上言黜陟有操
柄在爾筆削行微權今君過別又繼往淒淒涼葛仍
三年 廟謨制勝思服遠視彼裔土猶郊廛大邦小
邑實維繫立監置尉皆官聯生民百萬等休戚啟擬
未必非材賢尚煩著令輟朝士執簡往試天官銓况
君沉敏有注措雅頌自足資言宣度長絜大固應爾
拔十得五猶超然龔黃卓魯不並世器使往往規其
全當從謠俗詳考覈勿以吏議深拘牽和柔豈曰由

地產獷戾尚可回人遷方今
天子重法

祖憂軫最在西南邊布昭
德意歌樂職王路恹
廓行平平刊風吹空凄以緊君馬既駕何須鞭瀘南
瀘北經百驛到日想及歸鴻前玉節高持飛蜀雪錦
囊滿貯傾蠻烟嗟余漸老守章句好遊亦有青行纏
今朝執醖忽內熱長吟短諷還成篇胸中兀城苦未
廣借君尺紙圖山川

寒食日出訪客始見杏花歸而有賦

京華塵土春如夢寒食清明花事動偶賒佔畢數日
閑侶釋頰肩百金重今晨訪客出城東馬上風未亂
吹塌穠桃靚李杳然空山杏一梢紅聳聳浮暉隔樹

四寸六

柳行制文集三

三

豈饒春麗色迎人太矜寵后皇賦命幾何偏早秀遲
榮徒倥傯喬姿不並歲寒看殘香紙作籬根擁物情
如此乃自嗤一官坐得三年冗烏騰兔走苦相催老
矣駟絲今種種燕鳳憐渠短褐穿白鷗負我歸心勇
故園梨雪想續紛月下樽誰獨捧涓滴長令酌顛
蓬何用百家營守冢寄聲為謝歌泥中補兀吾猶完
趾踵

敬題

皇姑魯國長公主所藏唐周昉畫金德星君真形圖
星辰上羅天文章帝宮太紫巖中央長庚落明左右
當西柄下揭斗口張浮空翕翹流光雲霧降精神
杳茫乘之無際運無苟中有顯氣隨飛揚潏然玉色

含微陽翠綃蒙袂雙瓊璫手彈琵琶韻清商商聲按
節秋思長銀河經天浩湯湯跋而望之河無梁注未
儻忽難為詳但見初月如懸璜洛書五行著機祥始
終德運推柔剛去此太白乖其方義虧言失多滯傷
神無異體智有常我夢見之覺倂惶披圖駭目得未
嘗粉墨形似爭毫芒作者周昉傳旨唐能品上上題
明昌 主家甲觀開畫堂瑤華承宇藉以芳升穀潔
祿祭于枋靈衣被被舜執望神保至心辰維良駕言
為織天孫裳吾聞五曜持軋綱龍騰帝擘互低昂星
官執御調玄黃照燭九土窮一荒東西咸池直拱桑
下貫天畢晶煌煌煌煌之晶降為穰物不疵癘民不
殃 千秋

四句五字

柳青削三集三

四

萬歲國乃康

贈寫真張翁翁居京城南年八十一神清眼
碧蓋進於其技而無求於世以自足焉者也
傳嚴審象形何形麒麟設色非丹青肖圖如以燭取
影豈謂炬火無晶熒腰間插箭氣自倍類上加毛神
則寧古人藝聖不兩至心動手應夫誰令不誇筆墨
工點黠欲與河嶽開英靈京華冠蓋萃山藪風髮萬
騎雲千駟前行衛霍後褒鄂佩服憲憲登明廷俗工
寫俗不寫韻却詫果羸非螟蛉或攀有若擬玄聖僅
頰蠟帝模蘭亭我雖臆見頗自可豈固賤耳疑羣德
張翁八十貞靜者城南巷居畫掩局容未拂絹出心
鑑能事逆發無留停一毛一髮生意足造次參倚臂

儀刑由其天機勝嗜慾愈覺眼焰如流星承明待詔
綬若若晨朝索米濟優伶徒誇世有青紫植豈恨戒
屋無步馨吾聞畫者多善幻倏忽變化開玄冥安知
神完意自定伸筆已似行春霆草間陋質不須寫二
十八宿羅天經得閑携酒就翁飲傾倒沙頭雙玉瓶

劉常州宅對菊醉歌

菊花高株高一丈葩萼垂盃葉承掌攬先節物作重
九亂點秋光入屏幌黃黃白白闢新品大朶如擎小
如仰或矜紅紫當獨秀詎識幽嫺無競葵天工侶爾
費雕刻人力可堪專灌養京華樂事全盛日隙地買
栽隨意賞諄多直擬衛霍室豈顧家微百金享常州
使君開畫堂簷網連楣出虛敞集芳作譜為娛賓賴
有造前玉舟兩不知誰舸載傾城但道我屋無藏鏹
過從數客問前茅出節何時試英蕩可能輕別負芳
期遂使寒香淪宿莽孤根有託俟歲晚急景如流嗟
運往我歌君飲君當酬明日霜河催去槩

出北城獨上秋屏閣望西山灼靄中漠無所
見

北江負城沙似磧帖岸微行誰所關折旋殆類蟻泐
封湯漶猶如鴻印迹風髮披披鞍兀兀去馬浮曦正
相送入門平步得高層身与危闌爭幾尺緇袍年少
不噴來拂掠胡床趨敷席鉤簾意擬見西山雲亦何
心故蒙羃我疑玉女畏迎將且懼詞鋒恣彈射豹藏
惜此管中斑黛點羞渠眉上碧不然洪崖仙者過霧

辟灼駢羅汁百詎容左右覲昌丰稔許依微攬芳澤
我時坐定深得之小大注來成一易青天白日豈嘗
無好懷轉眼難尋繹祝融開面索新詩五老破顏愁
惡劇我持一影行萬里負舟而來山有力舉華寧侯
九春期繫匏未了三年客正須慰藉管城公重此提
携煩彤幘

為蔣英仲作顏輝畫青山夜行圖歌

前山濕霧方瀰瀰後山蒸雲如鬼驅松蹊行盡迫曛
黑辟月正掛寒蟾蛛網蒼茫何所途投館莫有林
間廬枯梢尚鳴風勢急隈岸欲渡溪流蘆沃洲天姥
雖峭絕無此原嶽深盤紆固應豐城牛斗墟龍劍夜
出乘飛符神人仗氣挾以俱虎豹奇躑雄牙須世間

四石州方

和行甫文卷六二

二

何物珊瑚株不可褻翫矧可誣青峰之巔野水榭獨
往侶是仙者徒心融意定不少假收攬竒恠一筆摸
蔣君閑朝攜過予墨色照几晴光鋪老顏未老為此
圖柳子歌罷三嗚呼南州雙壁范與虞君當請賦傾
明珠

出新城門至北沙下行視陶瓦

二年居城傷局促腰脚未免成堅頑西山迎馬若導
從隔江正面開雲鬢想渠故要詩料理况此已復秋
闌珊青林紅樹高下暎澹水卷盡霜痕斑村墟雖小
有雞戈砂行十里到即還鬢宮改作土功起穡事休
來農務閑直防苦窳厲陶旒遂走犖确勞鞍鑲古云
薄物毋芥蒂特取盡已方安安心為形役語非是動

靜自我操其端爰從憂患出苦力偶竊祿食猶空飡
西風輒贈好山水起我平生清靜觀夢遊已了豫章
郭飽目尚欠匡廬山胸中塵土要淘汰微此得不譌
天慳吾人所賦實蹇淺報貺豈有青琅玕

後木龍淵歌為陳景常作用其韻

我齋誰名名袞斧有肅其趨坐軒廡坐來歌徹木龍
淵卷雨輸雲出江澚是淵無龍安有木土石夔魑非
若伍想當塹荒刊翳初已辦枯槎閱終古刻形實藉
水為鋒騰身尚恐雷憑怒沙烟浪汨幾何秋翕合蒼
精配金虎不然因會戮防風殘骸枯骨相支柱專車
剥盡化控楫羞向人前承樂祖他生劬書來自獻問
爾非臯我非禹直將夜思破漫漫往和谷聲呼許許

人聞用木作寓龍致使陳寶祠中語降神報貺不在
真犂鬚迸鱗吁可數湫移偶爾閣汀洲轉眼遂與波
濤阻幸依硯席聽吾伊免逐泉珠疑賈豎是龍是木
不渠嗔但覺噫氣吹還煦物化為人人化物上天下
田雲作渚木龍招君君徑歸袖有淵神三尺雨故饒
龍文不成謳未害木人能起舞誰為斧鉞誰為袞春
秋傷麟禮傷鼠還君置我一束芻許可當年陳仲舉

題高彥敬尚書竹石圖

尚書胸中貯秋色翠石蒼筠隨點筆當其被酒氣初
酣芒角森森出矛戟墨痕散作紙背光虎卧龍騰俱
有跡伯夷去後凜清風叔向生來古遺直見之冠佩
不敢燕矧是圓壇方薦璧房山西北弁山南二老交

唯應未斷綺語業豈意更留鴻雪蹤一年藁卷盈一
束論石猶堪幾簾容夜郎東屯兩醉叟流落西望千
山重胸中繡線雖采緝不得帝袞親弥縫蘇梅黃陳
後起者世豈不泐乖其逢九州四海莫予騁一生坐
受飢寒攻咄子六六牛馬走仰視遷固其猶龍賤生
無用此語實何況竊發言非雍滎華豈是拙者事圖
畫將為後世宗自歌自喟自拊几和予付與風號冬

三月十日觀南安趙使君所藏書畫古器物

三月挾旬新雨餘市河一舸如浮苴言尋佳客趙橫
浦步入城隅門巷綺褰簾迎揖坐便坐深炷爐熏呼
茗盃硯屏方截紫綺段楚瑤秀列珊瑚株是家素号
虹月舫載畫盈簾書盈車客逢好事要審鑒便肯解
咄茲恠見駭南翁啟我夢遊追北叟天時豈久拂常
經君子唯當堅素守既欣瘴癘掃氛祲將喜來牟盈
壟畝遲遲陽德際明升杲杲天光發豐蔀
治朝有道容我拙日飲山堂無事酒

自勘居士所作詩題其後

世言作詩能致窮遂指此物為妖凶不知善藥不龜
手時來或取通侯封我生屢涉憂患境所不偶世由
天慵有言即吐非尚口譬若氣至鳴蜩蛩何嘗夢見
古壘洗頗願濯出清芙蓉嘲吟未免雜淒楚姿媚豈
復能昌丰宦遊足跡半宇內顛毛雪白身龍鍾歸來
十事九多忤顧有愁緒無歡悰尚餘結習在篇翰風
雅遠矣吾何從蓬蒿環堵適自好乾坤萬象誰當供

唯應未斷綺語業豈意更留鴻雪蹤一年藁卷盈一
束論石猶堪幾簾容夜郎東屯兩醉叟流落西望千
山重胸中繡線雖采緝不得帝袞親弥縫蘇梅黃陳
後起者世豈不泐垂其逢九州四海莫予騁一生坐
受飢寒攻咄予六六牛馬走仰視遷固其猶寵賤生
無用此語實何況竊發言非雍滎華豈是拙者事圖
畫將為後世宗自歌自喟自拊几和予付與風晞冬

三月十日觀南安趙使君所藏書畫古器物

三月挾句新雨餘市河一舸如浮苴言尋佳客趙橫
浦步入城隅門巷綺褰簾迎揖坐便坐深炷爐熏呼
茗盃硯屏方截紫綺段楚瑤秀列珊瑚株是家素号
虹月舫載畫盈簾書盈車客逢好事要審鑒便肯解

布衣句之三

九

褚傾囊儲相看貴德亦貴物古玉錯落排筵敷盧
帶鉤環珮玦鞞鞞昔將承屬鏤佩章六紐四官印篆
畫刻深銅質簾配之衝牙奉君子貫以繫璫聯金魚
連錢駟馬琢文玉圍人側立垂裙裾神工定復煩剗
劖赤刀故想來錕錐次陳鼎器論製作商周秦漢焉
可誣玄武寶水占寶醴腹背翠錯提梁朱景奇劔槩
尺有咫綠玉龜鱗純體膚精銅歲久剛性在間閱燥
濕其無渝銓量畫品差甲乙錦標玉軸隨伸舒庭光
古佛出梵相滿月在水蓮生趺盧前吳後筆鋒勁履
帝承蜩玄化俱瑤池仙會上中卷細巧自是吳元瑜
雲霞樓觀迹隱見花竹羽毛工染濡絳旌飄轉紫簫
發步輦導從千瑱姝終篇八駿惜既闕詩亡可補興

置諸意夫鬼物揜疵吝免彼菘荒留歎吁徐熙葩葉
妙設色塵昏蠹蝕猶鮮腴古絹一段寫秋意芙蓉鷓
鴒連茭蘆夢載鷓夷浮浩眇此興初不緣尊鱸七客
張萱為誰作濃墨大筆色不枯五人跨一善馬一
跨烏捷一蹇驢印窠慘澹悅生字豈曾藉入官中帑
穰穰畫苑姑撥棄伸眉更請評法書二王真迹胡可
得硬黃數幅真唐摹蘭亭五字損不損肥本瘦本珉
斑殊如人身口耳目具神采乃在頰上鬚廂賁舉樽
雖甚佞優盃抵掌何其踈世間楮墨日弊弊欲駕跛
驚行天衢南唐常侍六書學凌轢斯邈開榛蕪雜詩
流麗滿一卷銅甬篆法無能踰金繩鐵紐篆四五山
蚪海蜃爭騰驅嗟予欲讀屢掛口形求意索且須臾

泰山繼起石鼓後李監捷出張先孤向微二徐為啓
篇此道湮滅誰昭蘇真書生行行生草飛白菑隸同
一樞張顛草聖入三昧小楷妙合褚與虞郎官石記
毀已久百金可有墨本無世之珍物豈待贊題識况
復經鮮于綺園角夏四神坐刻字寸許無葩篆永平
元暉紀功頌燕然何在搨墨烏厓鐫野刻百數種傳
觀一二日已晡餘歡未盡謀再至榜人催發吾婦歎
莫投蕭寺微雨作昏燈照影溜鳴渠冥懷且復領其
要回向灼觀心地初百年蓬累大宇宙蕩搖不啻風
中槓寓意於物形物著尤物亦能為我娛滯形小足
致偷棄大或控瀨傷口珠牛李相傾坐石猶玉涯復
璧嗜其愚吾徒適目取一快彼豪巧者方睢盱嗜

嗜古與君並見獵時然思負嵎矢詩紀實實覩縷若
遇匠手當刊除同觀六士梁越產王揚三子甘陳予
交游聚散等萍絮春風渺渺吹江湖徵詩如見所見
者後有畫者傳之圖

中秋夜半起看月戲題長句調靜遠子安二友山長
青天明月不可呼何況有酒無江鱸寒燈顧影嘆離
索如此良夕焉能孤三年家居三見月此獨不見為
躊躇夢回虛館漏聲急碧霄瑩淨開冰壺仰看圓魄
掛屋角俯見流光穿座隅整衣起舞青桂下白露泣
泣寒生膚他宵得酒有明月山栖未免思江湖闔閭
城東庠舍靜庭列柳榆三四株暗蛩振股和鳴杵栖
鵲翻樹如驚弧素娥似為我幽獨故出光景相嬉娛
不然顧菟養靈魂何以拭淚縣方諸百年心賞半塵
土豈獨負丞兼負予好懷都付橙蟹月淡味寧忘杞
菊廚陰晴聚散胡可擬雲翻雨覆無須更清琴在手
不成弄且復題詩訊大巫

寄題惠山華氏溪山勝槩亭

山如尊卣谿如籀洗刷秋光出深秀市塵飛不到亭
臯翠幌朱簾閒白晝主人宴坐與天游收拾至樂歸
之酒絲管惜惜大雅筵荃蘭泥泥離騷囿以心觀心
乃如此更為谿山發神媵水榭褰開尋丈間物華捷
出雕鏤右客來問石石忘言客去留雲雲為守惠山
山中第二泉水品古今誇湫口井幹餘泣溢為瀾落
毳飄來鳥驚救高人但取一賞足擇勝誰能占幽茂

兩腋清風起振衣百年陳迹供回首寄聲鷗鷺莫相
疑還我靈龜養耆壽

題趙敬叔所藏龍眠飛騎習射圖

元豐盛際臻重熙駕幸寶津方戒期材官騎射選精
銳人偉馬駿由天姿雕弓引發赤羽箭絳綃繫在青
楊枝班中驩言斫鬃射好手莫是六州兒拖裘飛礮
最鮮中十中三四纔稱奇人如明星馬如電日色眩
轉交龍旂彤庭賞雋賜金帛周廬艷目生晶輝激揚
材武振士氣正藉廟略能匡時集英排仗候廷試畢
景未休宮漏遲南宮仙伯預宣押應奉殿門因縱窺
天上寶圖惟我見宮中秘戲少人知白筆追摹得神
駿五采不復煩彰施雌堂清翫要有屬太丞內署知

為誰慶元逆數到元祐畫江自固運已移紫陽語繫
錫山後法雲舊案重稱提題詩叔簡定王氏入官延
閣方然藜嘉定章公中執法二年己巳升中司兩公
出語各臻妙驪珠滿橐光離離承平兵制悅在矚燕
安鳩毒終難醫趙侯鉤致自甌粵啟襲傳玩晴虹披
玉山汪氏所珍蓄再落人手乃得之霜蹄十六脫其
半騎者臆語如指麾由來得意忘彼象若也補亡非
是詩何況龍眠記畫意字字透紙沙畫錐天球河圖
悵莫覲寶玉大弓欣有歸材如趙侯當用世縱靶已
並驚臆馳移人果豈在尤物但視無逸為元龜

與用章戴生同渡淡竹嶺夜宿山家

一溪屢涉溪流淺廿里窮源臨絕巘雲間仄徑細如

縈霜後枯蘗齊若剪沙崩石爛阻危攀磴斷崖懸還
斗轉已驚汗袂洩餘滋更擬班荆息微喘未昏斜照
白波淪直下遙空青霧卷粵初川嶽各流形自是陰
陽始昭辨誰開壑谷通井榮重為封圻削鉤鍵神工
使解鏟崔嵬世路何庸增連蹇舍車未免後孱軀搢
策聊將收勝踐杉榆連蔭壯且衰嫻友闌情行孰遣
吾生已付一浮漚此足寧堪幾重趺莫投山館睡麴
麴雨撼窓扉燈現現寒雞呼夢報詩成曠懷直為朋
知展

載酒堂詩 并序

蘭溪州同知州事彭侯震卿為南安軍判官日嘗訪
得蘇文忠公載酒堂遺址築室肖像即脩祠事朝野

柳行制文集三

二二

名勝往往形之賦詠予知侯有懷賢尚德之心則夫
宜人之政是不一書而已作載酒堂詩詞曰

東坡先生如龍鸞世人疑其欲飛蟠九州四海不容
足攝身徑去窺髦鬣南荒萬里儋耳國帝遣海若開
竒觀潛淵挾得睡驪目思山夢見城眉彎颶風惡浪
吁可駭土芋脫粟纒供餐黎家兄弟好事者小酒初
熟生微瀾昨童迎路吹葱葉門東刺竹西牛闌扶攜
歸去常半醉流落生存重一轍四黎善善君子類若
比張蔡猶蕭蘭天乎木鐸何望尔蠅之附驥渠非難
誰尋雪迹到鴻爪正用載酒標堂顏百年文獻隨草
萎庭階蕪沒井且省風流別駕彭夫子未負進賢頭
上冠是心尚德甚飢渴挈取舊物還祠官書銘小摘

枕榔綠薦俎時羞荔子丹海邦夷俗雜蛙鼃茲事信
為風化端音聲固有合琴瑟嗜好果豈殊醎酸竭來
蘭陰語吾故緇衣三詠三長歎吐我愷悌神所勞雲
路矯首看扶搏

雷琴行為薩仲明賦

二年有銘云天寶

羨琴論德無論質如玉函和中鎮栗斲形鍊骨龍體
成九轉丹功在縣秦唐人妙斷齊雷威桐材計尋天
予之當時重購已莫取到此絃瑟知由誰七百年中
幾桑海大物尚隨人代改庚亥玄理侶鮪文鬼蓄神
緘端有在薩君昔遊冶城東傾倒囊諸携松風道逢
陸子驚再拜世乃有此雲和宗雲和收轂吁已久湍
耳淫哇聽欲嘔齏磬非因襄武止絃歌實自倚那首
執器求道道迺全聲形精感人其天薦之廟郊鳳當
下盛際追還天珠前

和齊制之卷三

一四

寄題陳子敬錄判澹古齋

光光論書稱澹古誰其采之名子所相應搔口厭芳
辛且憚取妍趨媚嫵治心養氣豈無端致一凝神還
有緒雖微鼎實載并牲劣可堂筵容布武開卷明明
揖聖賢美琴昭昭羞兒女是中趨尚乃大佳俗下愛
憎難遽數玄酒猶堪饗廟郊疏布何嘗愧文黼一溪
晴綠看探籃二項圭田催釀黍天機誰者得之深為
問人間養生主

題尚尚耆藤絃畫雲林烟嶂圖

髯翁昔飲西湖綠滿意看山看不足醉拈官帟寫秋

光割截五州雲一幅吾聞妙畫能通仙此紙度可支
千年祗愁蓬萊失左股六鼇戴之飛上天

題陳子仁屏間新作長松疊嶂

陳子胸中有奇句墨瀋如雲時一吐不知毫穎挾何
神頃刻移山起烟霧紙屏潢飾素光搖眼明見此青
霞標塵埃罔履我顏厚為子三賦淮南招

介福堂詩為張繁昌作繁昌之祖藍山先生
為紫陽之學鄉人築室奉祠列之學官繁昌

名純仁

藍山張氏家有堂素屏樸几六尺牀堂中壽母八十
強鬢髮未變雙瞳光有子朱紱垂銀章有孫經明貢
于鄉彬彬濬發文字祥弥甥亦已茅奉常歲時拜慶

儼趨踰臚胝薦豆醴實觴厖眉一笑回春陽樹萱在
背英煌煌和氣充物天降康繡紵新添畧景長是家
撫菴連墨莊往往刈熟盈困窘廼翁談經臨象璜青
衿弟子如鴈行上窺雲谷開微茫著書充篋名山藏
精廬百世饗烝嘗祖孫播穫歲乃穰此道付与今繁
昌政學優優問弥彰裁之培之至敷芳本深末茂理
則當毋昔寘居称未亡肆令五鼎食有飭介福堂成
貯縑緗大篆題榜卿雲驪賓客上堂聲必揚有來觀
樂歌泱泱天津之共工織襄言將為母製錦裳他時
蒼誥鳳銜將併与繅籍充承筐蟠桃種在瑤池旁碧
實纍纍秋露香仙人昇以却老方執鬯起酌天瓢綠
金華小兒牧羣羊疇昔授道張子房作詩寄壽言蒼

荒毋當啓籥分玄竈

觀宣撫資政鄭公追復元官誥詞題其後
鄭公進仕由咸陽才則有為時則否主和正尔持死
力蹙國寧甘陷戎醜廟堂手挾震主威壯夫奪氣關
其口銓封朝上夕投荒公掾止之言弗售自茲違弼
意稍乖未必畜犬真堪嗾長獠居中誠少戇相如使
蜀非徒厚屯耕雖則致羸羨反使煩言推罪首江州
獄具徙封州妻子流離窮見肘朋滌乃更滋瘴癘亡
鑑不嫌穢壽考台星中拆山亦頽國不負秦秦自負
明年手詔收權網追復流人洗瑕垢從官息典視生
存還畀其家猶固有悔心一發本諸誠訓語明明如
所受誥綾六尺載書詞印窠滿幅縈蟲紐東序河番

曷足多繼世子孫當寶守天生忠賢豈無意毀譽方
來在身後秦顛鄭善古有云易穢深耕視終畝國非
其國六十年權以春秋夫豈苟檜如狗彘人不食公
如龍麟駮帝右矢詩追繫辨姦篇太史賤臣牛馬走
草堂比丘尚賢為報母故刺指出血煎煉如
法命其弟子如琬以小楷書妙法蓮華經一
部七卷匱而藏之搃勝閣上予嘗閱是經隨
喜說偈昔紹興中有僧寶元刺血寫金光明
經全部施是山今尚在焉

我觀衆人與我身通體氣五常充滿云何觸抹生痛
楚關節脉理元相管四支百骸皆有血流行膚革納
無溢以鍼刺指即得之渥丹濡濡供漬筆法華妙經

佛所說經凡幾字字幾畫蠅頭細字滿文書天龍夜
叉承指後血出尚賢書出琬是師弟子本同性龍華
會上昔相從信心一發超圓證縣知是血母所生為
報母恩知法忍一鍼一滴聚成勺書經有盡而無盡
願茲寶印金色光載母上生游極樂妙莊嚴域常現
前是經在處獲尊閣今生賢琬兩比丘前身寶元無
乃是五色雲臺舍利幢藏海蓮華相對起我嘗奉佛
樂我淨與聞種種殊勝事一朝拾得王髻珠五十小
劫皆真際昔人持經向空裏雨尚不能至其處況夫
性血之所書無量諸佛垂善喻大雲所覆甘露濡四
海九州同稽首我今隨喜為述偈子墨客卿當諦受
黃晉卿提舉授官初歸予借敬對輕行訪之

假榻湖邊滿心僧院明日病作敬對先還予
留就醫藥數日乃歸予少時嘗聽琴此院今
四十年矣

湖濬僧齋聽琴筑間四十年来不速秀眉一衲今雪
顛迎門坐窓煮茶熟白敲竹檻喚童婦更拂藜床延
客宿客方病起氣如絲夜枕歌眠屢驚觸晨興體惡
頭岑岑三日志食不思粥婦者先歸留者留賴是吾
生耐幽獨疲羸猶資藥餌扶過存厚謝親朋辱陰陽
致寇孰乘之小待神完理當復行藏一迹大累人畏
影偏教影相逐莫途久寘折腰具高誼能忘軟脚高
湖山款款惜重違兩色雲容看未足寧能將此不
身坐耗齋厨兩囊粟鶴背西風去意輕命僕肩輿

結束

題錢選畫僊居圖

仙人羽駕青雲輿游戲八極陵空虛神山縹緲在何
許意所到處皆方壺畫師豈嘗与之接夢時識取醒
時摹聯棟紫房縣薜荔交柯碧樹排珊瑚琴書懸暇
筵几靜左右絳氣橫扶疎武陵溪曲仇池路人迹往
往通樵漁仙凡一膜初不隔悟迷異趣何其殊奔輪
駭轍世多有逐臭未免如蟲蛆吳興老錢招隱曲駕
言設色調方諸披圖三誦歸來乎盍亦視此招採車
過閭行

二漳合下如奔矢絕出為河容匯水南檣北枕越堞
來後挽前抽爭一跬懋遷物品實

三五九四

抑符制文集三

一八

王畿嶽貢方輸千百繁商功已覺十分贏趨利真成
三倍市

聖人無運智者謀尚憶當年河事始向非廟笑屈羣
策安得安航若平履天開地闢幾何年禹迹茫茫大
疆理毋將本幹貳強弱所務有無通遠迹日高捷開
放三版津人絕噐舟銜尾河渠使者水衡丞走馬西
來呼起起

松雪老人臨王晉卿灼江疊嶂圖歌

君不見帝婿王家寶繪堂山川發墨開鴻荒重江疊
嶂詩作畫東坡留題雲錦光又不見後身松雪齋中
叟伸帑臨摹筆鋒走樓臺縹緲出林坳蘆葦蕭騷
澤藪白雲飛不盡青冥百丈牽江入樊口墨花照

射我眸我為擐步歌遠遊胸中是物有元氣世上何
所無滄洲我疑此叟猶未化瞬息御氣行九州五山
四溟一觴豆瑣細弗遺囊褚收故能援毫發天藻不
与俗工爭醜好楚山雲歸楚水流萬里秋光如電掃
枯來闕董散花禪別出曹劉斷輪巧披菑我作如是
觀毛穎陶泓共聞道嗚呼相馬亦相人駑駘豈得同
翔麟舍夫毛骨論形似如此鑒賞焉能真後來有問
延祐脚意索舉似吾方歟

送蕭從道還蜀歌并序

蕭侯從道自京還蜀艤舟廣陵薄遊吳會解后一見
如故交焉蓋侯以遼東貴族累世將家早從征伐藝
勇有聲罷父爵為萬戶鎮保寧泰定末上屯耕便空
京師會闕外稱兵侯受

詔前行擐旗斬將功最一時亡幾雲南大理亦憑險
擾邊廷議遣使持節分道督戰侯与在行獨由烏蒙
深入巢穴折其鋒銳凶渠授首逆類悉平幕府上其
平南之績吏持微法賞典未下侯載家徑歸朝廷制
爵祿以取臣顧於侯係吝若是邪侯方將覽觀山川
形勝以攄發曾中之耿耿然自此泝江入蜀魏吳戰
爭之故墟遺壘往往而在平古興懷可以慨然而賦
矣白貰酒酌侯申歌以送之

天曆之元邊釁起天兵攻闕如窺豕宴安鳩毒五十
年霸上棘門徒戲耳相臣隻手扶乾綱虞淵取日宣
重光雷行固已觀用壯龍戰不必疑無陽蕭侯蜀帥

方入奉天鉞前驅渠敢後轂行三關氣既倍往往短
兵能獲醜係組纜來軹道旁奔鯨復震潼川右樞庭
論將豈無人懦夫上馬還遂巡念非蕭侯林勇者詎
足潛消蜂蟻屯傳聲六詔將深入已覺蠶崖鐵騎陳
仁義之師若時雨大獮獲禽非我所坐令萬里哀牢
夷回謝天威逃鑽斧捷書徑上清暑宮節制重開燕
徽府論功亦或陷深文霸陵閑殺故將軍京華再見
梅花發春色遙從錦水外相逢千古吳臺下壯士寧
為時所捨載愁萬斛壓婦舟舟經灩澦高於馬江水
萬派從天來江花錦帆相映開長歌擊劍歌莫哀願
世功名何有哉

韓魏國忠獻王七世孫植甫家觀王蟬冕畫

像

文奎瑞宗三百年英雲五彩章賦篇出藩入從國秉
重勢如九鼎安堂造西戎小醜罔干紀北門三軍常
晏眠誰為社稷存至計藉此粉墨開凌灼崎嶇南徙
今異代啓匱傳觀玉色鮮使時殷耆猶弗咈安用蜀
業圖其偏神人玩世未嘗死剛風乘之游九天李君
執御我間世更恨凡骨何能仙

歸度太陽嶺

北南二嶺中我居出入堡塞險且迂方州治縣能弗
往往則盤辟徒舍車金華枝引巖岫感丹霞翠霧交
吸噓人影翔天雲在下溪流宛委旁行書浮嵐開道
通罔屐落日掛樹明三珠是節秋高氣初肅喘息微

汗衣成濡崖間野菊雖瑣細黃艷迎人偏靜姝連峰
轉想畫為假恠石特疑神所剝居庸桑乾矗天北我
嘗騎乘陟其砥彼誠崖絕猶戴轍此更礪砢難容跣
尻輿神馬意所適四海八荒同一驅吐我屈子遠遊
躅揆轡欲繫扶桑株

天台張節婦吟

天台山中百本桑枝葉泣露晞春陽女婦采桑葉肥
厚飼蠶作繭盛滿筐盃手繰絲絲萬緒不將織杼為
纈細纈細縫衣破誰補凍絃絙瑟聲淒楚瑟聲淒楚
還自悲婦昔紅顏畫眉嫵羅襦未綻變苴衰嫠姑在
養兒在乳家貧百需叢一身惡筭我是未亡人續燈
明分夜窓讀耀膳厚具高堂玆巢傾雛弱風復雨扶
宗一節四十春婦為壽母兒亦壯白髮含飴坐堂上
荒灼喬木幾家存况復有人脩薦望天憐忠貞嘗獨
厚世微表厲吾安放詩書流澤稱清門婦家有子且
有孫過車入里見憑軾飲其德者如衢樽台山峩峩
水深深明月下照秋無陰絲聲按節指可尋一彈彈
為節婦吟雅頌自是開人心世迺有此瑤華音

題瀛州仙會圖

巨鰲驤首戴三山海波不驚坤軸安方壺員嶠彼何
境靈氣布濩非人間金銀觀闕勢如翥攢林珠樹垂
珊珊攘題竦擢明河畔閣道橫截浮雲端仙人來往
羽衛備或駕紫鳳駮青鸞霓裳法曲舞初破執樂瓊
姬神彩開時容下界攬薌澤却對連峯愁髻鬢茅龍

飛去杳無迹烏跋兔走雙跳丸蓬萊舟近風引却三
歎靈蹤難重攀是誰模寫枕前夢欲用鐫鑿區中頑
神仙固多狡獪事世儒論著存不刪賈生賦鵬語夫
道後有達者當大觀忽然為人化異物斯理幾何堪
控搏仇池洞穴通小有神清玉字標孱顏彼皆曰境
示生悟直啓真源湔垢癡嗟余質薄迫世隘輕舉便
擬凌飛翰披圖愴恍縱玄覽託乘浮游窺九關無窮
八極莫一遇返道遂與松喬班登年閱世要自致何
必辛苦成金丹

題臨本捕魚圖

斬伐聯艦縛為柵中流起罾如舉罟取魚計獲有且
多撥刺銀刀長數尺船頭五兩受風偏雙槳乘之轉

初存荆文集三

二十二

山急夜涼星斗滿川垂炮銷鮫鱈騰空擲紅鱗穿柳
趁朝虛白粲裝囊供日食人生漁樂樂可知雲月為
家天一席翁歌媪醉兒嘯呼有酒盈心無事後前林
樞樵踈欲凋後岸菱蘆寒可剔沂淮入汴昔所經野
步荒郊曾目歷疑輞口舊山川猶是高人畫時迹
世言圖畫能象物風土班班證今昔乾元去亂幾何
年右輔分畿無數驛畋漁樂業迺如此休養真堪遂
生息臨摹甚侶誰所為大筆中藏十鈞力君不見舟
車入箕析毫釐漢皇經國國未卑雖云山澤有厲禁
魚麗以後非無詩

題龍眠釋迦出山像

明星在天斜漢落佛道靈明魔道弱脩行已證等覺

位不顧身形瘦如削華縵垂袒雲半肩步出山來赤
雙脚文殊偃眉普賢笑滿谷天風韻天樂青蓮貼貼
印虛空白象眈眈係羈絡自茲應物如洪鈞五陰五
濁皆清廓龍眠昔是會中人以心應手親描摸纖煤
利穎發其神聖臯鈎輪無此斲流傳什伯甲子餘玉
采珠光破冥冥鄮江古寺秋日暉洗滌翳睛煩發籥
稽首調御天人師優鉢曇華開一萼

蕃王獻寶圖

皇天饗德親至仁四夷慕義悉來臣押奚西番稱使
者稽首自請輸庭珍梯航深賫慚後至象犀珠貝充
前陳髦鬘何由舍愛吝聖化如天能服馴仁柔義懷
乃至是聲驅威懾非其真君不見周公居中秉周禮
王會書成白環至按圖索驥豈不然貞觀興唐有畫
傳

題王宰所藏墨龍

飛廉為御豐隆車憑陵九淵傾尾閭誰與發墨啟玄
奧神光躡斗旋其樞湖邊竹屋清夜徂防有沒人來
摘珠

商學士畫雲壑招提歌

有序

諸生淵魯不花嘗從其父官洛下強學好修得於山
水之助者也集賢侍讀學士商公見而器之為畫雲
壑招提以贈乞予作歌公此圖意韻閑遠生能求之
筆墨之外將不由是而有發乎

高為巔峰下為壑群木慘慘風欲作浮紅動翠何許

伴別壘殘雲明佛閣眼平疑此洛南山只尺便到龍
門灣暗潮已落洲渚出新月未上漁樵還高俟胸有
羣玉府借酒時時一齋露延春閣下墨淋漓餘情亦
及滄洲趣好山好水如高人豈立貌敬將心親平生
幾夢奉先寺不知猿鳥猶相嗔君不見飲酒吟詩狂
太白曾是匡山讀書客泥途失脚走憧憧歲晚看雲
情脉脉生今蓋壯業益備未可造次思巖幽披圖漬
墨歌遠遊我無桓玄寒具油

僧傳古踴霧出波龍圖歌

葉公好龍致真龍精氣所感無不通僧中劉畧有傳
古夜蔭穗入驪龍宮陽燄燄陰魄動左右給侍皆
魚蟲探珠不得逢彼怒轟然鼓鬣興雷風潛窺竊識

三三三

初待制文集三

二十四

領其妙寫之萬楮將無同日晴數月纔一點波浪只
尺如層空乘雲執鏡麾電母跨海獻寶招河宗劉崇
善參古善畫得意忘象象乃工為龍為畫了不識有
頃嘆水投長虹龍乎龍乎德正中起忽變化天為
絳官帝子秉節從九淵喚起赤鯉公求其鱗極開
濛

柳待制文集卷之四

律詩

五言

同楊仲禮和袁集賢上都詩十首

出塞行瞻日趨朝喜近天
離宮開苑圃馳道絕風烟
瑤水巡非遠峒山曆更懸
甘泉多法從獻賦憶當年
兩水漸衣黑雲砂際目黃
烟開纔黯慘日出已蒼涼
徇俗高簷帽清心小篆香
端居萬里念萱艸惜微芳
昔建寧中業初開徼外山
雉城平兀兀沙水淨灣灣
朱夏宸游正清秋武衛間
叨陪文學乘空愧鬣毛斑
謠俗隨方異溝塗隔舍迷
薰人唯馬漣勸客有駝蹄
殿角孤花靚城隅雜樹暹
天

柳待制文集四

天潢猶白白雲幕故青青
積穠輟車輟高風墮箭翎
宮塗丹楮聖殿戶紫金釘
女樂蓬萊袂哀簫動杏官
幄殿層雲障轅門積雪峯
奇鷹守翼角御馬盡飛龍
瀚海將臨幸云亭盟陟封
青丘大羽獵有事待玄冬
曹務雀章句官規自法程
齋扉侵雨潤宴几得風清
厯厯三刀夢行行萬里城
明年遂耕隱深仗酒為名
經游還絕塞際遇復清朝
大暑無蒙綵輕寒已御貂
盤空整屢薦觴至酒頻澆
貧病諳為客何軒帶減腰
公子青絲轡王孫綠幘車
宴酣風小定舞破日西斜
手擲官中菓神行海上查
築郿毋自厚儉德不期奢
水草方方善弓弧户户便
合圍連婦女從戎到曾三
雪毳千家帳冰豔百眼泉
浚稽山更北長盟斗光懸



送李文晦僉事易節燕南十首

此候催乘傳東人挽去轉不觀滄海小安識太行尊
好壽隨年進初心與道存老儒當劇部煩護國西門
儒有操存固才須體用該律文微法具心學左圖開
更借皇華使重光肅政臺析津占分野星動斗間魁
邦圻全趙際詩教古周南蕩節褻文玉輶車備左騶
靜宜觀物變清至飲泉甘河患頻年息民康化易覃
鵬鷲三秋擊騏驎萬里行官聯漢直指經術魯諸生
世或深求法公惟不近名天心與民監上下一昭明
後起或持橐同升已秉鈞三遷分節鉞萬化待孤綸
自是區中寶宜為席上珍平津若開閤未必舍斯人
治獄多陰德傳家有寧馨一夔當奏樂三鳳見儀庭

柳符制文集四

二

成實存康濟誰方忌獨醒之官趨便道回首鵲湖亭
斐括山區外台明海嶼中為生民少魯食力歲宜豐
謠俗方方問檐帷處處通薦恭人自化無欲是深功
應下名泉衆江南芳草多悠悠增越思往往振燕歌
滹水冰猶壯壇山石未訛北還今易節回鷹帶春和

黃皇壇山有周穆王
吉日癸巳四大字

王子朱絲直徐公玉尺方得君同議讞厥類重從陽
上智能旌淋常情失吐剛法家制誅賞端合用其良

徐周目為使王
在中為餘事

亦昔登儒館公時列省曹過逢常不數澹泊適相遭
入里能忘賤游庠辱譽髦臨分勤祝鯁何止戀鄉紀
鄉友胡古愚久遊京師賦詩念歸睠然起予

臣之同作汝韻二首

東府銓衡外西雅頌邊青雲誰薦賦白日但催年
國欲翔千因寧能厲九天淹留亦何遂未了北池薦
勞歌非異曲羸服有同袍客路添重趼童年憶兩髦
曉星田漏正春水鈎舡高為寄吳江夢將慙蜀布邀
天師留國公挽詞二首

龍羨神明胄游公造化鏡萬靈觀受印九斗直飛符
御氣今安往迎年故豈訶唯餘室中塵光景見懸珠
齋祠承晝法湯沐啟仙鄉勸物將齊化成真已坐忘
空瞻朱鳥不見碧雞祥天上飛廉館還應從
武皇

大司徒饒國公吳公挽詞二首

柳待制文集四

三

周世羣支合奉封故邑開耆英今幾葉爵秩比三台
正倚椿年永何知薤露哀海山雲縹緲真待樂天來
綠玉扶衰杖黃封介壽危高天流龍錫晚日被光熙
菊秀何妨澹松貞竟亦萎唯應韓擇木不媿歙州碑
送忽通叟著作作行祠海嶽

軋御當陽口坤靈効職初尚願金馬使行三函書
魁柄煢煢揭龍光壺壺舒何酒封禪草能賦逼相如
送朱太初法師赴章王條官口首

北闕層雲紫西山薄雨青鷹矜秘祀承

削領殊庭劔形龍角衣文斗七星綠章深夜上神

爽動秋冥

籀在丹臺上袖行劔氣聞天香輕冉冉雲瑤一瑞

便駕宵鸞去應騎白鶴還名山地域記須為刻居
鎖蛟准有柱隨鼠已無家想到真仙宅能回俗士
露壇春剪柏雲日夜敲茶人境
長吟採物華
又作江西夢翻從前北遊雲間朝士寫霞外洞
汎愛非無別深懷轉益愁山靈宜謝我下
有

登龍山寺

山閣凌虛起江天
望開連延黃竹浦隱見白龍堆

雲樹離離出風
杳杳未飛車倘堪躡即此妙高臺

州能廉訪守湖南道上詩次韻奉荅二首

粉色寒帷看湖光攬纒收詩如陶菊晚心寄荳蘭秋
手內青冥斧筵間白玉舟感時潘騎省有財莫登
荃蕙無可揀拖括并宜收正想三湘月能涵七澤秋

柳村制文集四

闕塗非政轍破浪合操舟慎重經綸具遲開五鳳樓

奉陪二府羣公重至北沙自而帳飲二首

稍轉龍沙路沙窮導騎休大官臨野飲小客思山遊
樹色爭知晚逢光恣獻秋移時偃旌蓋歸去不驚鷗
展席方成坐隨開揮勝亭日斜詩未就風度酒徐醒
問道收徒御當歌合從伶山公未嘗醉愛看晚峯青

寄贈陳君采二首時聞宴坐西峴山中

翠峴峯千仞翠巖少少迷令人通履
子立峯梯
欲點青雲破須尋白石題是中觀禹象軒
倪

明明刪述軌本始
千年龜玉初
膠合更煎

如將亦
方圓微子邪吾
申歌意

德門二首

濁漑已波道濃陰欲變曠紛紛蛙黽地汨汨馬牛羣
城邑將無辨人聲僅有聞深思黃道次初不隔浮雲
一月恒多雨初更抵正朝人皆憂沮洳吾復畏漂搖
宗祀申嚴誓官班列具僚勞筋偶羸馬奔走意全銷

初夏齋中雜題

蜀溪溪水先世闢林廬重有江湖思甘從木石居
樹桐留宿鳳養竹待竿魚一一幽栖事窮年豈負子
功名如上梗歲月付萍漂病怯衣裘重衰看鬢髮凋
藥功遲久久酒禰見昭昭不是吟詩力何方破寂寥
壤隔溪流斷門依野次成初非慵應接自是寬將迎
笋蕨搜山得鹽鹽入市營貧居薄滋味盍膾敢求精
經月始一出移時還小勞生涯依馬磨力作問蠶繰

藤刺青陰密楸花紫艷高雨晴看爛漫草徑莫令蘚
池岸方如截池波深可汨出門歌小海見客思滄洲
魚沫吹還息蛛絲斷忽抽萬生同一馬敢望絕軒輶
紫翠金華色浮空佞玉芝罔戀無百里衢路有千岐
鶴背王喬下鯨魚李白騎丹經吾解讀須暇一重披
杳杳京華信栖栖罷政身食糜多賸口黔突有勞薪
牲鼎雖無具鮭蔬亦粗陳朝飡猶一飽不愧在家貧

山中九日三首曰寓懷所知

九月西風裏千山落照邊白頭難諱老黃菊強為妍
酒向鄰家得杯從舊俗傳陶潛歸計是但覺費詩篇
節序匆匆換風霜稍稍侵賜莫成注事餐菊是初心
欲就持螯飲除非跨鶴尋一身將一影猶恨隔雲岑

湖邊秋水觀送客具帆檣忽忽經年夢淒淒九日觴
山中黃葉滿淇上白雲長便作鸞凰去何妨萬仞翔
聞臨江范德機以母喪哀毀而卒

才名朝士右行義古人中正想招桂起何嗟掩袂窮
山川還寂寞臺閣謗穹崇此世丹青筆吾今屬望空
服新誰非子摧形不有身使能穿壙入果勝闕泉親
窆兀留文冢淒涼卷釣緡夜臺開幕府還借筆如神
逝矣音容逝淒其翰墨存徒聞春器相安用天招魂
世已無耆哲吾猶忝弟昆生芻雖易具終愧玉人溫

哭內

汝世嗟何短吾年亦漸衰胡為齊甲子不共數期頤
莫將誰主形神自是離老來多涕淚情至極生悲

年侵常匱食兒大未承家共老心誠切多憂鬢早華
即令加飯含誰更問桑麻喪祭當從禮吾門不貴奢
僧舍除夕四首即簡賈惟貞左司

歲晚窮陰逼城隅古寺寒天時當翔易人事入憂端
不為庖厨薄從知道路難車魚皆外物長缺未須殫
薄袂齊三服高冠漢兩梁猶慚博士秩有累故人觴
塵土深如許山林取未忘江梅能厚我隨分子春陽
索寞杯觴外歡娛博塞中老思渾是妄苦語未成工
鬢髮絳絳白燈花焰焰紅摧頽影一丈何負躡屨翁
小寄維摩室將乘笠澤舟歲闌書未達春近病先瘳
藥物聊須致丹沙莫苦求憑誰反招隱為我畔牢愁
二月七日與陳新甫甘允從飲范使君亭二

首

心賞他年屢湖光此處全春生鷗鳥外人醉杏花前
細竹侵除道殘陽滿繫船毋將比西子吾實愧華顛
醉客休移坐歌姬不受呼山光渾欲滴酒酸未宜孤
倒挿浮屠影橫開罨畫圖史君能攬勝堆案有西湖
題瀛海菴回憶舊遊

一幅烟綃展千重海觀開日華浮沆瀣雲氣接蓬萊
昔駕飛龍去還隨汎鷁回吾詩与君畫傾瀉盡瓊瑰
吳門逢張仲舉送之秣陵

東南多積水西北有孤雲盛氣宜鍾秀明時屬右文
若何開典訓自尔泝河汾此處山如洛燈臨日又曛
烏府聲明地鷄林雅頌筵尊聞惟有在友教益宜專
莫取三鱣應終期一鶚騫吾徒負能事攬物要新篇
我輩相期意窮年豈繫名囊書方遠適舍權欲兼行
南斗文星動西風旱火生他宵有鴻鴈載影過臺城

送胡廉使致仕北歸東原五首

在服須著俊游廷重老更引年方未艾納節去何輕
泰嶽雲端出長庚月畔明一言興孝弟四海樂盈成
周詩尊者老漢節重祥刑傳說為霖雨鮮于是福星
獨游鷗炯炯高舉鳳冥冥出處關時運吾心与道寧
壯節澄清志孤懷獻納忠明教當感世休致仰高風
醴酒傾杯綠丹砂入臉紅魯侯宜燕喜春在畫圖中
越部山為吟齋民歲阻飢皇華方攬轡太史亦陳詩
食德何多幸遺榮此一時東門開祖道蒼影動春曦

種德高槐並留香晚菊鮮鳳毛方瑞世鶴骨正宜年
曠視浮雲表真游太古前群峯回嶽小霧卷見青天

睡餘偶題五首

青衿嗟老偏白髮向書垂重託庖廝養能忘草木滋
潯陽三畝宅同谷七歌詩境熟初何累情忘適更奇
竹處風清暑梅時雨報豐蕭條欹枕外安隱閉門中
樂物防衰景蓬蒿信薄躬有懷誰與語朋友各西東
此世何多幸予生厚自憐簡書方厲禁裘葛屢催年
正是稊能熟其如橘不選摧藏南郭隱放浪北窓眠
惜此珊瑚玦栖之薜荔林青山園坐密白日放歌長
客久違朝籍人誰問夕郎駕車容一駟何必更留良
侯客真當逐虞冠莫重招議刑纒鑄鼎樂聖但歌樵

柳待制文集四

八

藻荇猶堪擊芝薇幸有苗不能磨尔齋瓦用折吾腰
十六夜重對月

白兔不擣藥病衰將柰何酒嫌他日少月侶昨宵多
窻鶴無誰和新鴻亦未過兒童解娛老舞影屢僂僂
許益之計至慟餘有作五首

賢與寧論世道大欲伴天聖路無迂轍師門有絕絃
全歸成此志不朽待他年逝水西風急空林落照懸
宿學滋滄海微言亦混茫絕韋方未厭占鵬竟為殃
心使羣籤在其如一鑑亡吾衰欲無慟有淚忽盈眶
朱鉛銷日力義理析秋豪折衷群言定離微獨見高
誰能同酌醴更緩競餽糟此道關休否吾非苟譽髦
珠光分後乘驥足仰前塵故想司無事儘恐有

五窮偏害道二豎不憐貧
斂所深衣去初何媿古人
世豈無精鑿人惟重所從
祇應茅季偉偏善郭林宗
午館聞升復宵鄰輟相春
鄉初日凋瘁蜡社哭相逢

題離騷九歌圖

歎貝東皇席青霓北斗旗
究觀神保意皇恤放臣悲
有客傳芭舞何人執籥吹
楚巫千載恨憑向畫中窺

自題藁卷六首

特立無誰伍前行已莫追
幸留青簡在忍使素心移
奪月陳珠琲蒸雲出菌芝
何庸夸險絕吾寶廠神齋
成言要有域涉道得無涯
錦豈能傷美瑜將不揜瓌
迂踈求拔俗辛苦望名家
鄉學乾淳盛端嘉已漸奢
誰昔憑觀化吾今用攝生
本根無廢撥葩澤必敷榮

律呂常相應韶鈞豈自鳴
世間有尤物何苦詫盈成
射侯常近正瞽相亦非迂
梁東諸儒傳誰開九軌塗
大烹祇薄味小出且徐驅
佳穀黍秋實因之飽衆難
大藟扶桑壘危絃絕壑冰
憑誰絙瑤瑟為我搜朱繩
涼夜解飈起高秋爽氣澄
故多清雅鄭試一辨淄澠
昔有尊元禮今惟侯子雲
蛾眉毋見妬爰臂亦宜軍
語語推燕說行行避楚氛
吾門刪述軌無惑守皇墳

晨起

著地霧成雨過溪風卷雲
朝光纔掩靄山氣亦氤氳
坐穩頭慵柳愁深酒未醺
烏啼向人急吾耳不聞聞

歲晏風雪中方壽父連翩惠詩次韻酬答

詩壇劉五字堅壁侶長城
未必形吾怯深憑寄此情

和聲將律比佳興，挾梅清雪夢。條然覺天葩，正鏤瓊
馨叟方樊上。先生自洛城，弦匏惟有合。鷗鷺得無情，
若昔論三益。于今讓獨清，仙山尚招隱。高步躡飛瓊，
麴生不繼注。持底破愁城，忽枉詩連軸。尤慚譽過情，
北風寒燼落。小雪夜堂清，安得吹簫侶。能來噴紫瓊，
長律

五言

贈別宗季任赴甘肅提舉

寧塞洮河外，甘州瀚海隅。羗髡通別譯，封域畧中區。
氓俗風丕變

王靈德誕敷，粵初聯吏治。近亦好文儒，左學將興蜀。
西庠昉自虞，懷章煩遠役。鞭馬戒前驅，驛路爭迎傳。

四十一

柳待制文集四

十

關門不用繻，水經張掖弱。山對賀蘭孤，禹鑿班班迹。
幽詩往往圖，發時梅未萼。上日草應芻，元罕親加豆。
諸生肅詠雲，職司雖翰墨。佩服已銀朱，曾覩天荒破。
端令士氣麤，槎明星是客鄉。大酒為徒請，播言斯在
居。夷聖豈誣高，才每流蕩平。世匪崎嶇只，作三年夢
須。輕萬里途，旃廬春鬖鬖。笳管曉嗚嗚，漿灑蒲萄益。
翻寒翡翠爐，新篇多慰意。許可寄潛夫

故相東平忠獻王挽歌詞

龍席乘參會，麒麟踵畫圖。記功宜顯顯，論世匪區區。
肇敏公維似，明徵聖有謨。陟庸纔秉軸，運化亟旋樞。
物已歸坯冶，人將就楛模。開誠登衆正，獻可破羣訛。
夫里同耕鑿，民儀異隼兪。景鍾陳備樂，淨鼓節提壺。

尹德湯能協堯勲益載都方期扶日轂必使麗天
大角兵端起清宮桐變殊霜蕢飄在蒔風榦落檜
射影無鯨鱗磨牙甚豹豕凄凉未驚曲狼籍玉麟
立事思常武成書恨亮姑攀髯應共載升屋竟誰
亭地難藏烈燄陰為蓄痛血留衣上碧吟失口中
蓮閔遺多難摧凶激萬夫義娥還麗景慧字掃夷
狂孽憑三窟神威覆五湖不煩公府牘終見藁街
誅濁散陽明勝精垂晦魄蘇君門重肅穆賢路豈
荒蕪殉死身寧贖觀兵眼未枯春秋如有作盜賊
敢稱孤灞上仍堅壁驪山罷論徒董狐千載後丹
筆詎應無

送南竺澄講主校經後却還杭州

鹿苑開鴻妙龍宮闕象玄間闕未幾譯披發露雙
詮

四五四

柳待制文集四

十一

梵學傳皆正華文潤乃全義深含窈眇道廣極淵泉
論自諸師造言因半偈宣何曾離性相間亦示機摧
述鈔心同悟分科緒各牽函盛方秩秩棗刺益絲繅
剖刷寧無舛研磨或更偏遂令迷永豕不復辨夔蛟
佛耀昌齡啓

皇明正晝懸五城銀色界三殿寶花慈重見知慈目
如逢出震年 詔徵皆宿德 御講盡真筌此主狹
山隱前身華頂眠野雲生靜慧江月湛空圓天上青
祝座人間白馬羈微君能引重於世孰昭先晦魄
簾燭頑陰雪屋擅聲將為律呂眼豈混朱鉛疑句多
多證蕪辭一一鐫法珠終照乘宗鏡已當銓煨爛金
泥字牽聯玉簡編指河符

聖歷穿石畢僧緣竣事纔敷奏疏榮亟勞還萬回
錦麗大覺鉢孟鮮尚食來珍供司農輟禁錢
流瀼瀼鷓鴣影去翩翩昨夢寧非蝶遲歸誤信鶻望京
猶綠樹入寺始紅蓮雨外排千耦烟中聽兩舷履盈
南竺戶權集北湖船巖觀應增聳川容若載蠲應求
隨燥濕鑽仰喻高堅夏懺朝朝禮秋燈夜夜然固知
融至理直可竒單傳客袂難為別朝簪未放捐愛閑
思結社食力待治田苦笑昌黎鷲深懷惠遠賢獻
憑一詠安有筆如椽

用韵重賦故相挽歌詞

元勳開社福盛德見儀圖烈烈神明宵恢恢禮樂區
帝猷咨相度祖笏付孫蕃柱石需成廈機衡實應樞

甲六四

柳行制文集四

一一一

舜裳施締繡歐冶用型模寧使千夫諤毋容一士諛
父多徵祀宋舞或陋巴俞昧旦張謀幄嚴更聽漏壺
投茲維四稟隋邑盡三都制政方如律藏兵已在衢
纍從窘卒起事與古先殊輻說慚輿衛堂傾歎屋梧
使來俄覆醢祭罷孰陳軀西陸無回轡中階有坵符
聖氛疑梓慎指海信麻姑月食終能掩雲乘不可呼
甚聞童叟泣何止僕人痛抵鵲將忘玉探驪誤得珠
殞身且報主之死婦從夫未必衣冠辱終令耳目塗
繼明光宇宙流惡蕩江湖一軍門戮尤嚴聖筆誅
陰消寧曠曠震一遂蒸蘇入紀初誰擾民墜亦輶
偃禾休反熟以枯豈恨仁賢殄深愁屬望
封圻荒社圃徒秋草年年碧臨風涕欲

送州能左司出守會稽

南伯分符重東曹載筆光先憂勞鼎軸共理付藩方
日月封圻內江湖魏闕旁治心兼孔老踐迹到龔黃
必使操刀割毋令學製傷閭鈴傳漏刺齋舫置書囊
賞憶荷花靚材憐竹簟良謝公多載酒賀老欲歸鄉
惜別燕歌短凝情越思長風輕文鷁動雲駛錦帆張
鵠去宜高舉鷗來豈遽忘為農託鄰化安隱事耕桑

次韵荅鄉友吳立夫見寄之作感別懷歸情在其中矣

宇宙方來事江湖獨往人扶搖遺短翮濡沫到窮鱗
誤作軒裳夢終慙稍錦身跡雖侷燥濕學豈混疵醇
鵠步逢多躓虛懷待一振屈伸乘卦氣消息候天均

柳待制文集四

一三

喜際三雍啓還依六籍親馬羈從幸日螢案潔餐晨
滕口虞官詢稽謀信卜陳踐更非顯陟遷秩遂為真
清廟方惇禮容臺忝末塵卑卑論燕爵憲憲望麒麟
緬想閑居賦猶存弟子紳國鄉誰尚友與阜或稱目
飛翰因來客分光肯照鄰之人芻有束何物稼盈囷
嬰圃初登射驪山適罷巡玉全遭削足淵靜得藏环
接席連芳晝看春惜好春言筌開窈窕理窟至馴馴
蓄思文俱銳脩名實與賓逝將熙孔業由此樂顏仁
淹泊思同社霽孤若異倫宜休寧俟斥漸老肯憂貧
夙願惟耕釣浮榮謝鼎茵戎行無聽漏觀涉即知津
狐首求吾正蝨斯諫不洗衫綸應不改蘿為重相因
惜遠授青菊期歸睇綠蘋題詩緘恨去離緒極紛綸

開府大宗師張仁靖真人昇仙詞

膺延微朗玄筌闡化洪至仁惟有造妙道不無功
武伴黃石儲精自碧嵩器非群物囿夢与九門通
宣室承恩始甘泉載祀隆時方陳象舞治欲致橐弓
清淨言初入高明聽已聰寶慈深示世敦素實希風
四海臻寧壹三靈畢會同降祥宜簡簡合漠本控控
曉景來芝蓋宵光下竹宮畫幡飄婀娜權火暎瞳矐
練日迎嘉應祈年獲屢豐鼎成箴翹翹劔動役靈露
立在螭頭右行參豹尾中披衣垂白羽徒御列青童
宸眷疏榮數仙班進秩穹靈圭函繅藉篆玉飾雕蟲
仰陟蜚塵觀閭呼太極公杯春釵液瀉燭夜絳綃籠
圖像凌烟秘樓居復道崇月臨筵宛轉颺舉佩丁東

豈止南宗重還將北顧空八維闕地軸七澤納雲夢
鯨力森疑破淵襟澹若冲正聲詣香眇顯氣徹昭融
汎覽乾坤大何知霧雨濛足誠因獻剛耳孰為音韻
制勝生機活憑虛獨見充真源觀浩浩迷轍或忽忘
士類常推轂師資亟擊蒙內經標藥笈疊組付蘭業
固有登三事誰其詠五縱雍容元老席懇惻大夫忠
客拜先加手朝回更鞠躬慈敷縫素纒厨味屏葷茹
髮暎眉毫碧丹浮輔頰紅金莖潑沆瀣珠斗戴崆峒
漏盡冰生稼窻明彩駕虹給扶殊未老宴坐忽長終
牆上排蛟翼翳前引鳳筩翩翩龍去遠望望鶴飛翀
遊戲陵三境併個過九嶷捲簾瞻漢準端冕侍震鍾
未議當凝命均釐及惠窮雖然形已蜕共想石渠

誅德婦詞掖歌詩諭廟工陰靈環鼎履陽木樹椅桐
殿角猶遺鴛泉間莫錮銅層霄如貯蠶下土故庵鴻

大雪戲詠

霰集先驚密雲乘陡覺低穿帷纜巧入擁砌已深迷
蟾影宵翻鵲犀光晝駭雞投虛知井幕蒙險失巖梯
九地蔽膏澤千門委壁圭黃輿增厚載玄武蟄幽栖
忽灑聲尤急中休氣轉淒辨方惟有服封谷不須泥
稍喜夷塗闢多憂陷穽擠世將還櫟素壤盡徹青黎
罔欲殊廉角於何畫町畦溟池涵上下瀼岸渺東西
縞舉仙人袂窻明玉女閨混淪收日脚軒豁露坤倪
剪毳巾成氎吹灰室覆緹妖氛隨蕩析關羊謝梃提
勁竹猶遭挫疎梅恰吐齊若為散鱗甲無已戮鯨鯢

柳待制文集四

十五

覲日消遲見豐年卜可稽漁歸襖襪禎兒戲象後覩
正苦貧衣綻郵禁凍面鰲曉罌初撥醴午椀更吹簪
幾夢斟羔唱徒聞索飯啼掩關誰掃軌返棹却尋溪
踐迹嗔鴻爪全生媿馬蹄莫抽梁苑思爭効漢衿題
送何德芳參議登朝兼志王許二公同升黃

閭之喜

道揆尊良弼忱恂屬議臣使星離左次卿月映中宸
巖石傾瞻夕鋒車趣召新一陽迎日至四序首王春
出號乾綱正敷廷哭命申廟堂深眷倚帷幄重咨詢
必使言多補猶為國有人凡材資愛養全體務殫綸
絺繡身惟服飄陶器在鈞土毛因地產財計繫仁民
藪澤將無竭閭閻莫少伸同胞無隱痛衆樂賴調均

并采芻蕘論和推草木仁通班已文陞步趾即平津
際遇於斯盛休祥自我臻治功開六典淳曜仰三辰
皐禹寅初協勲華迹豈陳逢徵黃霸入顧念馬卿負
象關心徒戀漚波興與馴但期行葦賤不作道邊塵
今體詩六十韵贈餞正傳之官池陽述學言
懷見乎辭矣

昔有推鄉舉今誰侮聖言尚辭淪曲藝執業謝專門
製錦何妨羨更刀寶太煩爰從王氏作重喜曾經存
集註初刊定傳疑併討論七篇賢所訓一貫道攸根
翼傳茲猶準希蹤孰可捫仁巖頌頽剝建水泮齋宏
或者傷麟止嘻其狀庖賁走雖名惡子君豈負諸孫
直想披吾與毋徒闖彼藩律元求秒忽車用飾輪轄

堂陞尊卑分淵泉左右原緩行惟視履妙契必亨屯
固謂炊將熟終期溺是援磬梯榮峻陟鵬路藹孤騫
正取能充拓何嘗志飽溫銀章凌霧雨朱紱賁丘園
負弩方前導乘車且載奔威行秋浦曲象動歲星垣
入署梅花曉開筵草色暄琴轂春寂簾影晝掀掀
建德當時國清溪若處村再畚宜黍稌庶植間蘭蓀
明府今為政窮閭自不寬使民安堵臘戒吏絕壺殮
可得防僇免常湏苙放豚馬驚連軸折魚鯨尺波渾
警靜山無盜年登社有脯雞窠對翁穉肉譜繫仍昆
拊已心惟小趨風禮更繁加蕩薦庭實斂板候戎軒
勿枉中懷璧寧甘右屬鞬因游問花柳湏暇采蘋蘩
客夢西堂句賓筵北海尊神應歆豈第世豈混昭昏

穩躡飛鳧寫徐升畫鹿輻胸中五色線天上九重闈
補衮功誠著觀書眼未嘗葆光非匿景絕利不離源
有客愚溪柳其人太學蕃方時征彙吉自信括囊以
化瑟遲當改樵枰看屢翻先機輕絳灌未患穩冕
此豈猶堪出予將夫勿諉采芳留晚節曝背媚朝
獨幸聯衣袂頻容漬酒痕親仁情正切惜遠志如蟠
薄贈將吳紵佳占獻楚焯瞻雲渺江漢掬月在瓶盃
生色滋融盍清光与吐吞各持脩省事永尉別離魂
列辟無前績先師罔極思名山巖泰華大器屬瓊璫
法古承三統書年表一元榮枯徵斷簡消息候微管
避弋齊縹鳳懲羹忌染鼃讒夫行似蛾君子化為猿
計熟非稊稗維豐俟芑蔗短篇壻及何公聖倚岷嶓

四十九

柳希創文集四

一一一

送翰林書寫邵從聖赴臨淮尹

故人為縣去聽再說臨淮白水騰騰溢青山崑崙排
牛耕多種秫魚鰲亂編柴貫漁人之心之柔俗易懷
無庸輕保障尤之念之蓬之厓之羨之休之傷之製之清之琴之莫之陸
心將千古契興与之四之時之位之池之影之花之當之檻之簾之恣之草之滿之簷
揮毫還有待退筆未沒埋禁營之囉之三之露之結之柱之下之照之涯
煌煌良史策府疾太常齋豈必長之兵之客之來之方之獨之好之排
絕句

五言

賦黃氏新安嶺南山居十詠

清江釣戶

月魄秋在水景光依蓼蒲神魚不受釣腮滿生明珠

空谷耕雲

濕濕雲生岱曉晴山崦紅仙人耒種玉二耜亦同功
蒼峰卓筆

碧巖開屏

黥川數斛墨葦地見龍從恠來聞石語山立銳頭公
松門纜數曲疊翠侶鈎連玉女有時下香爐開紫烟
松林策鶴

靈澗浮龜

林表浮丘宅蕭穆一蓋張髦毛見飄墮有客拾松黃
巖巖太古雪參差洛書文罡風恐吹裂騎去入玄雲
峻嶺扶車

圓岡揭斗

前驅破孽確見石不見車誰實挾罔轂吾行得舒徐
坡陀九點炮象斗排雲端疑此精化石即是星宮官
雙溪合驛

古寺垂虹

洩竇泉始湧泗流凍未消熒熒玉氣合湛湛劍光搖
僧端度橫竹笠影在清溪嗟彼善也者喫水投虹蜺

柳待制集卷之四



古書流通處

